

000-089 od 11.07.2008. godine, za krivično djelo "ubistvo" iz člana 166. stavak 1. KZ FBiH, osuđen je na kaznu zatvora u trajanju od 11 (jedanaest) godina. Da se oslobodi izdržavanja preostalog dijela neizdržane kazne zatvora.

Ova Odluka stupa na snagu danom donošenja odnosno danom potpisivanja, a ista će biti objavljena u "Službenim novinama Federacije BiH".

Broj 01-05-438/14
21. jula 2014. godine
Sarajevo

Predsjednik
Živko Budimir, s. r.

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

1640

Temeljem članka 19. stavak (5) a u vezi s člankom 74. stavak (1) alineja 1. Zakona o vinu ("Službene novine Federacije BiH", broj 55/12), federalni ministar poljoprivrede, vodoprivrede i šumarstva donosi

PRAVILNIK O UVJETIMA KOJE MORAJU ISPUNJAVATI OVLAŠTENE PRAVNE OSOBE U POGLEDU TEHNIČKE I KADROVSKE OPREMLJENOSTI ZA OBAVLJANJE POSLOVA IZ OBLASTI VINOGRADARSTVA I VINARSTVA

I. Opće odredbe

Članak 1.

Ovim Pravilnikom propisuju se uvjeti koje moraju ispunjavati pravne osobe za obavljanje stručnih, analitičkih i drugih poslova iz oblasti vinogradarstva i vinarstva, način utvrđivanja ispunjavanja propisanih uvjeta u pogledu tehničke i kadrovske opremljenosti, te postupak davanja ovlaštenja.

Članak 2.

Pod stručnim, analitičkim i drugim poslovima iz oblasti vinogradarstva i vinarstva u smislu ovog Pravilnika podrazumijevaju se:

- a) savjetovanje, edukacija, osposobljavanje i prijenos znanja do vinogradara i vinara na tehnološkim, gospodarskim, ekološkim i drugim područjima važnim za razvoj vinogradarstva i vinarstva;
- b) selekcija i introdukcija sorti vinove loze sukladno propisima koji reguliraju ovu oblast;
- c) praćenje propisanih tehnologija i metoda proizvodnje grožđa i vina;
- d) analiza grožđa i vina i drugih proizvoda po kvaliteti: ocjenjivanja vina i drugih proizvoda od grožđa i vina (laboratorijske analize i organoleptička ocjena vina); izrada stručne dokumentacije-elaborata za izdavanje rješenja za vina s oznakom zaštićenog geografskog porijekla i mišljenja o proizvodnji grožđa i vina za izdavanje rješenja o ispunjenosti uvjeta za korištenje oznake vina s geografskim podrijetlom iz date godine berbe sukladno članku 45. Zakona o vinu;
- f) kontrola proizvodnje grožđa za proizvodnju vina s geografskim podrijetlom;
- g) izdavanje uvjerenja o kvaliteti vina i drugih proizvoda koja se izvoze ili uvoze;
- h) uspostavljanje i održavanje kolekcije sorti i podloga vinove loze sukladno propisima koji reguliraju ovu oblast.

II. Uvjeti za dobivanje ovlaštenja i postupak dobivanja ovlaštenja

Članak 3.

- (1) Poslove iz članka 2. ovoga Pravilnika mogu obavljati pravne osobe koje ispunjavaju uvjete u pogledu tehničke i kadrovske osposobljenosti propisane ovim Pravilnikom i koja dobiju ovlaštenje od federalnog ministra poljoprivrede, vodoprivrede i šumarstva (u daljnjem tekstu: ministar).
- (2) Za obavljanje poslova iz članka 2. alineje: a), c), e), f) i g), pravne osobe trebaju ispunjavati sljedeće uvjete:
 - a) da imaju sjedište na području Federacije Bosne i Hercegovine,
 - b) da su kod nadležnog suda registrirani za obavljanje stručnih, analitičkih i drugih poslova utvrđenih ovim Pravilnikom,
 - c) da imaju višegodišnje iskustvo u obavljanju stručnih i savjetodavnih poslova u oblasti vinogradarstva i vinarstva,
 - d) da imaju odgovarajući prostor i opremu,
 - e) da imaju minimalno tri zaposlena diplomirana inženjera VSS - VII stupanj stručne spreme, odnosno visoko obrazovanje stečeno po Bolonjskom sustavu studiranja, oblast poljoprivrede, smjer voćarsko-vinogradarski, prehrambeno-tehnološki i srodni smjerovi, sa minimalno tri godine radnog iskustva u struci.
- (3) Poslove iz članka 2. alineja d) u dijelu koji se odnosi na fizičko-kemijsku analizu mošta, vina i drugih proizvoda od grožđa i vina mogu obavljati pravne osobe, koje pored uvjeta iz stavka (2) ovoga članka moraju imati laboratorij za ispitivanje kvalitete mošta, vina i drugih proizvoda od grožđa i vina, te dokaz o akreditaciji laboratorija prema ISO/IEC 17025.
- (4) Za provođenje organoleptičkog ocjenjivanja vina pravne osobe pored uvjeta iz stavka (2) i (3) ovog članka moraju ispunjavati uvjete u pogledu prostora, ljudskih kapaciteta i pribora za organoleptičko ocjenjivanje.
- (5) Organoleptičko ocjenjivanje se provodi sukladno Pravilniku o postupcima i metodama organoleptičkog ocjenjivanja vina ("Službene novine Federacije BiH", broj 88/13). Ovlaštena pravna osoba vodi evidenciju o prijavi postupka organoleptičke ocjene, rezultatu ocjenjivanja, te o tome jednom godišnje izvješćuje Federalno ministarstvo poljoprivrede, vodoprivrede i šumarstva (u daljnjem tekstu: Ministarstvo).
- (6) Poslove iz članka 2. alineje b) i h) mogu obavljati znanstveno-stručne i obrazovne, odnosno stručno-upravne institucije koje se bave znanstveno-istraživačkim radom.

Članak 4.

- (1) Zahtjev za dobivanje ovlaštenja za obavljanje poslova iz članka 3. stavak (2), (3), (4) i (6) se podnosi Ministarstvu na obrascu broj 1. koji se nalazi u prilogu ovoga Pravilnika i čini njegov sastavni dio.
- (2) Podnositelj zahtjeva uz zahtjev za dobivanje ovlaštenja za obavljanje poslova iz članka 3. stavak (2) ovog Pravilnika podnosi sljedeću dokumentaciju u originalu ili ovjerenoj kopiji:
 - a) rješenje o upisu u sudski registar,
 - b) uvjerenje o razvrstavanju prema djelatnosti,
 - c) dokumentaciju koja potvrđuje iskustvo za obavljanje stručno-savjetodavnih poslova iz oblasti vinogradarstva i vinarstva (za pravnu osobu),
 - d) podatke o prostoru i opremi,

- e) ovjeren spisak stručnog kadra s rješenjima o postavljenju na određeno radno mjesto ili ugovorima za osoblje angažirano po osnovu ugovora o djelu, s kraćom biografijom.
- (3) Podnositelj zahtjeva uz zahtjev za dobivanje ovlaštenja za obavljanje poslova iz članka 3. stavak (3) ovog Pravilnika koji se odnosi na fizičko-kemijsku analizu mošta, vina i drugih proizvoda od grožđa i vina pored dokumentacije navedene u stavku (2) ovoga članka podnosi i dokaz o akreditaciji laboratorija prema ISO/IEC 17025 s rokom važenja.
- (4) Za dobivanje ovlaštenja za obavljanje poslova organoleptičkog ocjenjivanja vina podnositelj zahtjeva je dužan, pored dokumentacije navedene u stavku (2) i (3) ovog članka, dostaviti dokaz o posjedovanju prostora, opreme i stručnog kadra za organiziranje organoleptičkog ocjenjivanja vina.

III. Način utvrđivanja ispunjavanja uvjeta za davanje ovlaštenja

Članak 5.

- (1) Ministar rješenjem imenuje Povjerenstvo sa zadatkom da kod podnosioca zahtjeva izvrši neposredan uvid i utvrdi ispunjenost uvjeta za obavljanje stručnih, analitičkih i drugih poslova sukladno ovom Pravilniku, te predloži ministru dodjeljivanje ovlaštenja za obavljanje pojedinih poslova.
- (2) Na temelju pisanog prijedloga Povjerenstva, ministar donosi rješenje kojim se podnosiocu zahtjeva daje ovlaštenje za obavljanje određenih poslova iz članka 2. ovoga Pravilnika (u daljnjem tekstu: Rješenje).
- (3) Rješenje se izdaje na rok od pet godina izuzev za obavljanje poslova iz članka 4. stavak 3. ovog Pravilnika koje se izdaje na rok određen vremenom važenja potvrde o važenju akreditacije prema ISO/IEC 17025 (o stručnoj i tehničkoj osposobljenosti).
- (4) Rješenje će se oduzeti ukoliko se utvrdi da ovlaštena pravna osoba prestane ispunjavati propisane uvjete ili se utvrdi da je Rješenje izdano na temelju netočnih i neistinitih podataka.

- (5) Za produženje roka važenja Rješenja potrebno je Ministarstvu podnijeti zahtjev najkasnije tri mjeseca prije isteka roka od dana njegovog donošenja.
- (6) Za izdavanje Rješenja ili produženje roka važenja istog, Povjerenstvo za utvrđivanje ispunjenosti uvjeta za obavljanje pojedinih poslova može po potrebi tražiti i drugu dokumentaciju koju smatra neophodnom za njegovo izdavanje ili produženje.

IV. Obveze ovlaštenih pravnih osoba

Članak 6.

- (1) Ovlaštene pravne osobe su dužne:
 - a) organizirati i obavljati dodijeljene poslove sukladno pravilima struke, te dostignutim suvremenim znanstvenim i stručnim saznanjima iz ove oblasti,
 - b) uspostaviti i voditi evidenciju akata i dokumenata koji nastanu u vršenju poslova koji su im povjereni javnim ovlaštenjem i isto čuvati najmanje pet godina,
 - c) jedanput godišnje Ministarstvu dostaviti Informaciju o poslovima obavljenim po osnovu danog ovlaštenja,
 - d) da, ukoliko u obavljanju dodijeljenih poslova nastanu promjene u vezi ispunjavanja uvjeta na temelju kojih je izdano Rješenje, o navedenim promjenama obavijesti Ministarstvo u roku od 30 dana od dana nastale promjene.

V. Prijelazne i završne odredbe

Članak 7.

- (1) Stupanjem na snagu ovog Pravilnika prestaju da važe ovlaštenja dana od strane drugih organa i institucija za obavljanje poslova iz članka 2. ovoga Pravilnika na temelju Zakona o vinu i rakiji ("Službeni glasnik SR BiH", br. 26/89 i 29/90).
- (2) Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 03-4-18/1-1388-3/14

22. srpnja 2014. godine
Sarajevo

Ministar
Jerko Ivanković-Lijanović, v. r.

BOSNA I HERCEGOVINA
FEDERACIJA BOSNE I HERCEGOVINE
 Federalno ministarstvo poljoprivrede,
 vodoprivrede i šumarstva
 Sarajevo

Obrazac broj 1.

Broj: _____
 Datum: _____

ZAHTJEV ZA DODJELU OVLAŠTENJA

Podaci o podnosiocu zahtjeva	
Naziv podnosioca zahtjeva	
Identifikacijski broj	
Šifra i naziv djelatnosti	
Adresa sjedišta	
Tel/faks	
E-mail adresa/Web adresa	
Podaci o odgovornoj osobi podnosioca zahtjeva	
Ime i prezime	
Funkcija (poslovi koje obavlja)	
Adresa	
Tel/faks	
E-mail adresa	
Poslovi za koje se traži ovlaštenje (poslovi iz članka 2. ovoga Pravilnika)	
1.	
2.	
3.	
4.	
5.	
6.	
7.	
8.	
9.	
10.	

Uz zahtjev je u originalu ili ovjerenoj kopiji priložena sljedeća dokumentacija:

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____

 (mjesto i datum)

 (mjesto pečata)

 (potpis odgovorne osobe)

На основу члана 19. став (5) а у вези са чланом 74. став (1) алинеја 1. Закона о вину ("Службене новине Федерације БиХ", број 55/12), федерални министар пољопривреде, водопривреде и шумарства доноси

**ПРАВИЛНИК
О УСЛОВИМА КОЈЕ МОРАЈУ ИСПУЊАВАТИ
ОВЛАШЋЕНА ПРАВНА ЛИЦА У ПОГЛЕДУ
ТЕХНИЧКЕ И КАДРОВСКЕ ОПРЕМЉЕНОСТИ ЗА
ОБАВЉАЊЕ ПОСЛОВА ИЗ ОБЛАСТИ
ВИНОГРАДАРСТВА И ВИНАРСТВА**

I - Опште одредбе

Члан 1.

Овим Правилником прописују се услови које морају испуњавати правна лица за обављање стручних, аналитичких и других послова из области виноградарства и винарства, начин утврђивања испуњавања прописаних услова у погледу техничке и кадровске опремљености, те поступак давања овлашћења.

Члан 2.

Под стручним, аналитичким и другим пословима из области виноградарства и винарства у смислу овог Правилника подразумијевају се:

- a) савјетовање, едукација, оспособљавање и пријенос знања до виноградаря и винара на технолошким, привредним, еколошким и другим подручјима важним за развој виноградарства и винарства;
- b) селекција и интродукција сорти винове лозе у складу са прописима који регулишу ову област;
- c) праћење прописаних технологија и метода производње грозђа и вина;
- d) анализа грозђа и вина и других производа по квалитету: оцјењивања вина и других производа од грозђа и вина (лабораторијске анализе и органолептичка оцјена вина);
- e) израда стручне документације-елабората за издавање рјешења за вина са ознаком заштићеног географског поријекла и мишљења о производњи грозђа и вина за издавање рјешења о испуњености услова за коришћење ознаке вина са географским поријеклом из дате године бербе, у складу са чланом 45. Закона о вину;
- f) контрола производње грозђа за производњу вина са географским поријеклом;
- g) издавање увјерења о квалитету вина и других производа која се извозе или увозе;
- h) успостављање и одржавање колекције сорти и подлога винове лозе у складу са прописима који регулишу ову област.

II - Услови за добијање овлашћења и поступак добијања овлашћења

Члан 3.

- (1) Послове из члана 2. овог Правилника могу обављати правна лица која испуњавају услове у погледу техничке и кадровске оспособљености прописане овим Правилником и која добију овлашћење од федералног министра пољопривреде, водопривреде и шумарства (у даљем тексту: Министар).
- (2) За обављање послова из члана 2. алинеје: а), ц), е), ф) и г), правна лица, требају испуњавати слиједеће услове:
 - a) да имају сједиште на подручју Федерације Босне и Херцеговине,

- b) да су код надлежног суда регистровани за обављање стручних, аналитичких и других послова утврђених овим правилником,
 - c) да имају вишегодишње искуство у обављању стручних и савјетодавних послова у области виноградарства и винарства,
 - d) да имају одговарајући простор и опрему,
 - e) да имају минимално три запослена дипломирана инжењера ВСС-VII степен стручне спреме, односно високо образовање стечено по Болоњском систему студирања, област пољопривреде, смјер воћарско-виноградарски, прехрамбено-технолошки и сродни смјерови, са минимално три године радног искуства у струци.
- (3) Послове из члана 2. алинеја д) у дијелу који се односи на физичко-хемијску анализу мошта, вина и других производа од грозђа и вина могу обављати правна лица, која поред услова из става (2) овог члана морају имати лабораторију за испитивање квалитета мошта, вина и других производа од грозђа и вина, те доказ о акредитацији лабораторија према ИСО/ИЕЦ 17025.
 - (4) За провођење органолептичког оцјењивања вина правна лица поред услова из става (2) и (3) овог члана, морају испуњавати услове у погледу простора, људских капацитета и прибора за органолептичко оцјењивање.
 - (5) Органолептичко оцјењивање се проводи у складу са Правилником о поступцима и методама органолептичког оцјењивања вина ("Службене новине Федерације БиХ", број 88/13). Овлашћено правно лице води евиденцију о пријави поступка органолептичке оцјене, резултату оцјењивања, те о томе једном годишње извјештава Федерално министарство пољопривреде, водопривреде и шумарства (у даљем тексту: Министарство).
 - (6) Послове из члана 2. алинеје б) и х) могу обављати научно-стручне и образовне, односно стручно-управне институције, које се баве научно-истраживачким радом.

Члан 4.

- (1) Захтјев за добијање овлашћења за обављање послова из члана 3. став (2), (3), (4) и (6) се подноси Министарству на обрасцу број 1. који се налази у прилогу овог Правилника и чини његов саставни дио.
- (2) Подносилац захтјева уз захтјев за добијање овлашћења за обављање послова из члана 3. став (2) овог Правилника подноси слиједећу документацију у оригиналу или овјереној копији:
 - a) рјешење о упису у судски регистар,
 - b) увјерење о разврставању према дјелатности,
 - c) документацију која потврђује искуство за обављање стручно-савјетодавних послова из области виноградарства и винарства (за правно лице),
 - d) податке о простору и опреми,
 - e) овјерен списак стручног кадра са рјешењима о постављењу на одређено радно мјесто или уговорима за особље ангажовано по основу уговора о дјелу, са краћом биографијом.
- (3) Подносилац захтјева уз захтјев за добијање овлашћења за обављање послова из члана 3. став (3) овог Правилника, који се односи на физичко-хемијску анализу мошта, вина и других производа од грозђа и вина поред документације наведене у ставу (2) овог члана, подноси и доказ о акредитацији лабораторија према ИСО/ИЕЦ 17025 са роком важења.

- (4) За добијање овлашћења за обављање послова органолептичког оцјењивања вина подносилац захтјева је дужан поред документације наведене у ставу (2) и (3) овог члана доставити доказ о посједовању простора, опреме и стручног кадра за организовање органолептичког оцјењивања вина.

III - Начин утврђивања испуњавања услова за давање овлашћења

Члан 5.

- (1) Министар рјешењем именује Комисију са задатком да код подносиоца захтјева изврши непосредан увид и утврди испуњеност услова за обављање стручних, аналитичких и других послова у складу са овим Правилником, те предложи Министру додјељивање овлашћења за обављање појединих послова.
- (2) На основу писаног приједлога Комисије, Министар доноси рјешење којим се подносиоцу захтјева даје овлашћење за обављање одређених послова из члана 2. овог Правилника (у даљем тексту: Рјешење).
- (3) Рјешење се издаје на рок од пет година изузев за обављање послова из члана 4. став 3. овог Правилника које се издаје на рок одређен временом важења потврде о важењу акредитације према ИСО/ИЕЦ 17025 (о стручној и техничкој оспособљености).
- (4) Рјешење ће се одузети уколико се утврди да овлашћено правно лице престане да испуњава прописане услове или се утврди да је Рјешење издато на основу нетачних и неистинитих података.
- (5) За продужење рока важења Рјешења потребно је Министарству поднијети захтјев најкасније три мјесеца прије истека рока од дана његовог доношења.
- (6) За издавање Рјешења или продужење рока важења истог, Комисија за утврђивање испуњености услова за обављање појединих послова може по потреби

тражити и другу документацију коју сматра неопходном за његово издавање или продужење.

IV - Обавезе овлашћених правних лица

Члан 6

- (1) Овлашћена правна лица су дужна:
 - a) организовати и обављати додијељене послове у складу са правилима струке, те достигнутим савременим научним и стручним сазнањима из ове области,
 - b) успоставити и водити евиденцију аката и докумената који настану у вршењу послова који су им повјерени јавним овлашћењем и исто чувати најмање пет година,
 - c) једанпут годишње Министарству доставити Информацију о пословима обављеним по основу датог овлашћења,
 - d) да уколико у обављању додијељених послова настану промјене у вези испуњавања услова на основу којих је издато Рјешење, о наведеним промјенама обавијести Министарство у року од 30 дана од дана настале промјене.

V - Прелазне и завршне одредбе

Члан 7.

- (1) Ступањем на снагу овог правилника престају да важе овлашћења дата од стране других органа и институција за обављање послова из члана 2. овог правилника по основу Закона о вину и ракији ("Службени гласник СР БиХ", бр. 26/89 и 29/90).
- (2) Овај Правилник ступа на снагу наредног дана од дана објаве у "Службеним новинама Федерације БиХ".

Број 03-4-18/1-1388-3/14
22. јула 2014. године
Сарајево

Министар
**Јерко Иванковић-
Лијановић**, с. р.

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
Федерално министарство пољопривреде,
водопривреде и шумарства
Сарајево

Образац број 1.

Број: _____
 Датум: _____

ЗАХТЈЕВ ЗА ДОДЈЕЛУ ОВЛАШЋЕЊА

Подаци о подносиоцу захтјева	
Назив подносиоца захтјева	
Идентификацијски број	
Шифра и назив дјелатности	
Адреса сједишта	
Тел/факс	
Е-маил адреса/Веб адреса	
Подаци о одговорном лицу подносиоца захтјева	
Име и презиме	
Функција (послови које обавља)	
Адреса	
Тел/факс	
Е-маил адреса	
Послови за које се тражи овлашћење (послови из члана 2. овог правилника)	
1.	
2.	
3.	
4.	
5.	
6.	
7.	
8.	
9.	
10.	

Уз захтјев је у оригиналу или овјереној копији приложена сљедећа документација:

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____

 (мјесто и датум)

 (мјесто печата)

 (потпис одговорног лица)

Na osnovu člana 19. stav (5) a u vezi sa članom 74. stav (1) alineja 1. Zakona o vinu ("Službene novine Federacije BiH", broj 55/12), federalni ministar poljoprivrede, vodoprivrede i šumarstva donosi

**PRAVILNIK
O UVJETIMA KOJE MORAJU ISPUNJAVATI
OVLAŠTENA PRAVNA LICA U POGLEDU TEHNIČKE
I KADROVSKE OPREMLJENOSTI ZA OBAVLJANJE
POSLOVA IZ OBLASTI VINOGRADARSTVA I
VINARSTVA**

I - Opće odredbe**Član 1.**

Ovim Pravilnikom propisuju se uvjeti koje moraju ispunjavati pravna lica za obavljanje stručnih, analitičkih i drugih poslova iz oblasti vinogradarstva i vinarstva, način utvrđivanja ispunjavanja propisanih uvjeta u pogledu tehničke i kadrovske opremljenosti, te postupak davanja ovlaštenja.

Član 2.

Pod stručnim, analitičkim i drugim poslovima iz oblasti vinogradarstva i vinarstva u smislu ovog Pravilnika podrazumijevaju se:

- a) savjetovanje, edukacija, osposobljavanje i prijenos znanja do vinogradara i vinara na tehnološkim, privrednim, ekološkim i drugim područjima važnim za razvoj vinogradarstva i vinarstva;
- b) selekcija i introdukcija sorti vinove loze u skladu sa propisima koji regulišu ovu oblast;
- c) praćenje propisanih tehnologija i metoda proizvodnje grožđa i vina;
- d) analiza grožđa i vina i drugih proizvoda po kvalitetu: ocjenjivanja vina i drugih proizvoda od grožđa i vina (laboratorijske analize i organoleptička ocjena vina);
- e) izrada stručne dokumentacije-elaborata za izdavanje rješenja za vina sa oznakom zaštićenog geografskog porijekla i mišljenja o proizvodnji grožđa i vina za izdavanje rješenja o ispunjenosti uvjeta za korištenje oznake vina sa geografskim porijeklom iz date godine berbe, u skladu sa članom 45. Zakona o vinu;
- f) kontrola proizvodnje grožđa za proizvodnju vina sa geografskim porijeklom;
- g) izdavanje uvjerenja o kvalitetu vina i drugih proizvoda koja se izvoze ili uvoze;
- h) uspostavljanje i održavanje kolekcije sorti i podloga vinove loze u skladu sa propisima koji regulišu ovu oblast.

II - Uvjeti za dobijanje ovlaštenja i postupak dobijanja ovlaštenja**Član 3.**

- (1) Poslove iz člana 2. ovog Pravilnika mogu obavljati pravna lica, koja ispunjavaju uvjete u pogledu tehničke i kadrovske osposobljenosti propisane ovim Pravilnikom i koja dobiju ovlaštenje od federalnog ministra poljoprivrede, vodoprivrede i šumarstva (u daljem tekstu: Ministar).
- (2) Za obavljanje poslova iz člana 2. alineje: a), c), e), f) i g), pravna lica, trebaju ispunjavati slijedeće uslove:
 - a) da imaju sjedište na području Federacije Bosne i Hercegovine,
 - b) da su kod nadležnog suda registrovani za obavljanje stručnih, analitičkih i drugih poslova utvrđenih ovim pravilnikom,

- c) da imaju višegodišnje iskustvo u obavljanju stručnih i savjetodavnih poslova u oblasti vinogradarstva i vinarstva,
- d) da imaju odgovarajući prostor i opremu,
- e) da imaju minimalno tri zaposlena diplomirana inženjera VSS-VII stepen stručne spreme, odnosno visoko obrazovanje stečeno po Bolonjskom sistemu studiranja, oblast poljoprivrede, smjer voćarsko-vinogradarski, prehrambeno-tehnološki i srodni smjerovi, sa minimalno tri godine radnog iskustva u struci.

- (3) Poslove iz člana 2. alineja d) u dijelu koji se odnosi na fizičko-hemijsku analizu mošta, vina i drugih proizvoda od grožđa i vina mogu obavljati pravna lica, koja pored uvjeta iz stava (2) ovog člana moraju imati laboratoriju za ispitivanje kvaliteta mošta, vina i drugih proizvoda od grožđa i vina, te dokaz o akreditaciji laboratorija prema ISO/IEC 17025.
- (4) Za provođenje organoleptičkog ocjenjivanja vina pravna lica pored uvjeta iz stava (2) i (3) ovog člana, moraju ispunjavati uvjete u pogledu prostora, ljudskih kapaciteta i pribora za organoleptičko ocjenjivanje.
- (5) Organoleptičko ocjenjivanje se provodi u skladu sa Pravilnikom o postupcima i metodama organoleptičkog ocjenjivanja vina ("Službene novine Federacije BiH", broj: 88/13). Ovlašteno pravno lice vodi evidenciju o prijavi postupka organoleptičke ocjene, rezultatu ocjenjivanja, te o tome jednom godišnje izvještava Federalno ministarstvo poljoprivrede, vodoprivrede i šumarstva (u daljem tekstu: Ministarstvo).
- (6) Poslove iz člana 2. alineje b) i h) mogu obavljati naučno-stručne i obrazovne, odnosno stručno-upravne institucije, koje se bave naučno-istraživačkim radom.

Član 4.

- (1) Zahtjev za dobijanje ovlaštenja za obavljanje poslova iz člana 3. stav (2), (3), (4) i (6) se podnosi Ministarstvu na obrascu broj 1. koji se nalazi u prilogu ovog Pravilnika i čini njegov sastavni dio.
- (2) Podnosilac zahtjeva uz zahtjev za dobijanje ovlaštenja za obavljanje poslova iz člana 3. stav (2) ovog Pravilnika podnosi slijedeću dokumentaciju u originalu ili ovjerenoj kopiji:
 - a) rješenje o upisu u sudski registar,
 - b) uvjerenje o razvrstavanju prema djelatnosti,
 - c) dokumentaciju koja potvrđuje iskustvo za obavljanje stručno-savjetodavnih poslova iz oblasti vinogradarstva i vinarstva (za pravno lice),
 - d) podatke o prostoru i opremi,
 - e) ovjeren spisak stručnog kadra sa rješenjima o postavljenju na određeno radno mjesto ili ugovorima za osoblje angažovano po osnovu ugovora o djelu, sa kraćom biografijom.
- (3) Podnosilac zahtjeva uz zahtjev za dobijanje ovlaštenja za obavljanje poslova iz člana 3. stav (3) ovog Pravilnika, koji se odnosi na fizičko-hemijsku analizu mošta, vina i drugih proizvoda od grožđa i vina pored dokumentacije navedene u stavu (2) ovog člana, podnosi i dokaz o akreditaciji laboratorija prema ISO/IEC 17025 sa rokom važenja.
- (4) Za dobijanje ovlaštenja za obavljanje poslova organoleptičkog ocjenjivanja vina podnosilac zahtjeva je dužan pored dokumentacije navedene u stavu (2) i (3) ovog člana dostaviti dokaz o posjedovanju prostora, opreme i stručnog kadra za organiziranje organoleptičkog ocjenjivanja vina.

III - Način utvrđivanja ispunjavanja uvjeta za davanje ovlaštenja**Član 5.**

- (1) Ministar rješenjem imenuje Komisiju sa zadatkom da kod podnosioca zahtjeva izvrši neposredan uvid i utvrdi ispunjenost uvjeta za obavljanje stručnih, analitičkih i drugih poslova u skladu sa ovim Pravilnikom, te predloži Ministru dodjeljivanje ovlaštenja za obavljanje pojedinih poslova.
- (2) Na osnovu pisanog prijedloga Komisije, Ministar donosi rješenje kojim se podnosiocu zahtjeva daje ovlaštenje za obavljanje određenih poslova iz člana 2. ovog Pravilnika (u daljem tekstu: Rješenje).
- (3) Rješenje se izdaje na rok od pet godina izuzev za obavljanje poslova iz člana 4. stav 3. ovog Pravilnika koje se izdaje na rok određen vremenom važenja potvrde o važenju akreditacije prema ISO/IEC 17025 (o stručnoj i tehničkoj osposobljenosti).
- (4) Rješenje će se oduzeti ukoliko se utvrdi da ovlašteno pravno lice prestane da ispunjava propisane uslove ili se utvrdi da je Rješenje izdato na osnovu netačnih i neistinitih podataka.
- (5) Za produženje roka važenja Rješenja potrebno je Ministarstvu podnijeti zahtjev najkasnije tri mjeseca prije isteka roka od dana njegovog donošenja.
- (6) Za izdavanje Rješenja ili produženje roka važenja istog, Komisija za utvrđivanje ispunjenosti uvjeta za obavljanje pojedinih poslova može po potrebi tražiti i drugu dokumentaciju koju smatra neophodnom za njegovo izdavanje ili produženje.

IV - Obaveze ovlaštenih pravnih lica**Član. 6**

- (1) Ovlaštena pravna lica su dužna:
 - a) organizirati i obavljati dodijeljene poslove u skladu sa pravilima struke, te dostignutim savremenim naučnim i stručnim saznanjima iz ove oblasti,
 - b) uspostaviti i voditi evidenciju akata i dokumenata koji nastanu u vršenju poslova koji su im povjereni javnim ovlaštenjem i isto čuvati najmanje pet godina,
 - c) jedanput godišnje Ministarstvu dostaviti Informaciju o poslovima obavljenim po osnovu datog ovlaštenja, da ukoliko u obavljanju dodijeljenih poslova nastanu promjene u vezi ispunjavanja uvjeta na osnovu kojih je izdato Rješenje, o navedenim promjenama obavijesti Ministarstvo u roku od 30 dana od dana nastale promjene.

V - Prijelazne i završne odredbe**Član 7.**

- (1) Stupanjem na snagu ovog pravilnika prestaju da važe ovlaštenja data od strane drugih organa i institucija za obavljanje poslova iz člana 2. ovog pravilnika po osnovu Zakona o vinu i rakiji ("Službeni glasnik SR BiH", br. 26/89 i 29/90).
- (2) Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 03-4-18/1-1388-3/14

22. jula 2014. godine
Sarajevo

Ministar

Jerko Ivanković-Lijanović, s. r.

BOSNA I HERCEGOVINA
FEDERACIJA BOSNE I HERCEGOVINE
 Federalno ministarstvo poljoprivrede,
 vodoprivrede i šumarstva
 Sarajevo

Obrazac broj 1.

Broj: _____

Datum: _____

ZAHTJEV ZA DODJELU OVLAŠTENJA

Podaci o podnosiocu zahtjeva	
Naziv podnosioca zahtjeva	
Identifikacijski broj	
Šifra i naziv djelatnosti	
Adresa sjedišta	
Tel/fax	
E-mail adresa/Web adresa	
Podaci o odgovornom licu podnosioca zahtjeva	
Ime i prezime	
Funkcija (poslovi koje obavlja)	
Adresa	
Tel/fax	
E-mail adresa	
Poslovi za koje se traži ovlaštenje (poslovi iz člana 2. ovog pravilnika)	
1.	
2.	
3.	
4.	
5.	
6.	
7.	
8.	
9.	
10.	

Uz zahtjev je u originalu ili ovjerenoj kopiji priložena slijedeća dokumentacija:

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____

 (mjesto i datum)

 (mjesto pečata)

 (potpis odgovorne osobe)